



Universitätsbibliothek Paderborn

**Decretvm Vt omnes Regularium Superiores suos subditos,
& Religiosos persaepe commoneant de iniuncta omnibus
obseruantia, & executione Apostolicarum Constitutionum,
& Decretorum ad Officium ...**

Urban <VIII., Papst>

[Romae], 1645

LXXXII. Contra offendentes statum, res, & personas sanctissimi Officij
Inquisitionis h[a]ereticae prauitatis, eorumq. filios, necnon complices, &
fautores. Pivs Episcopvs Seruus Seruorum Dei. Ad ...

urn:nbn:de:hbz:466:1-10826

non in acie Campi Floræ, dimissis copijs per nos Petrum Gomez Freyle, & Fran cis ū Muños, S.D.N. Papæ Curs. Ita est. Petrus Gomez Freyle Cursor, manu propria.

Ita est. Franciscus Muños Cursor, manu propria.

Petrus Leobodie Magister Cursorum.

LXXXII.

Contra offendentes statum, res, & personas sanctissimi Officij Inquisitionis hereticæ prauitatis, eorumq. filios, nec non complices, & fautores.

*Edita Au.D.
1569.*

P I V S E P I S C O P V S
Seruus Servorum Dei. Ad perpetuam rei memoriam.

*Forma publi
candi.*

Si de protegendis cæteris omnibus Ecclesiæ ministris, quos in fidem & cliëtelam nostram à Domino recepimus, cura nobis quotidiana infidet; quanto maiore studio eam nos solitudinem capescere necesse est, ut qui in sacro Inquisitionis hereticæ prauitatis officio versantur, sub tutela iniuiolatae auctoritatis huius Sedis periculorum omnium expertes, quæ-

quæque munera ad exaltationem Fidei
Catholicæ exequantur?

§. 1. Cum itaque eius generis impi-
mum vis quotidie magis inualescat, qui
omnibus malis artibus prædictum officiū
subuertere, ministrosque functionibus di-
sturbare moliuntur, eo iam nos detrusit
necessitas, ut nefariam & scelestam illo-
rum audaciam acerbiore castigationis
verbere reprimamus.

§. 2. Hac igitur generali constitutione
de Fratrum nostrorum cōsilio sancimus,
ut quicunque siue priuatus, siue cuncta
ciuitas, siue populus, siue Dominus, Co-
mes, Marchio, Dux, vel potiore titulo
Illustris, quemvis ex Inquisitoribus, Ad-
uocatis, Procuratoribus, Notarijs, alijs-
ve ministris prædicti officij, vel Episco-
porum id munus in sua diœcesi aut pro-
uincia obeuntium, seu accusatorem, de-
nunciatorem, aut testem in causa Fidei
quomodo cunque productum vel euoca-
tum occiderit, verberauerit, deicerit,
seu perterrefecerit,

§. 3. Quiue Ecclesiæ, ædes, alias siue res,
siue publicas, siue priuatas, officij, aut
ministrorum, expugnauerit, inuaserit, in-
cenderit, expilauerit, aut libros, litteras,
auctoritates, exemplaria, regesta, proto-
tocolla, exempla, scripturas, aliaue in-
strumenta, siue publica siue priuata, vbi-

Causa huius
Constit.

Offendētes,
seu impediē-
tes personas
Inquisitorum
&c.

Bonaq. diri-
pientes.

cunque posita combusserit , diripuerit,
seu interuerterit, seu ex incendio aut di-
reptione, aut alio quocunque modo , illa
exportauerit, seu qui in conflagratione,
expugnatione, aut direptione , etiam in-
ermis, siue capiendi, siue comburendi, si-
ue supprimendi causa fuerit , sine res, aut
personas , seruari defendiue prohibuerit.

Et carceres
frangentes, &c
pœnas hic de-
scriptas in-
currunt.

§.4. Quiue carcerem, aut aliam custo-
diam, seu publicam seu priuatam effrege-
rit, vincitum extraxerit, seu emiserit , ca-
piendum prohibuerit, captumue eripue-
rit, receperit, occuluerit , seu facultatem
effugiendi dederit, seu iusserit id fieri, qui
cætum, concursumue fecerit , siue ut ali-
quid prædictorum fieret omnes accom-
modauerit, siue alias auxilium, consilium,
aut fauorem, publice vel occulte, in quo-
libet prædictorum scienter præstiterit; li-
cet nemo occisus, nemo verberatus, ne-
mo extractus , emissus vel ereptus , nihil
expugnatum, nihil effractum, succensum,
direptumue, nullum denique damnum re-
ipsa sit secutum : nihilominus is sit ana-
themate præsentis canonis auctoritate li-
gatus. Idem quoque læsa maiestatis reus,
dominio , dignitate , honore , feudo , ac
quocunque alio beneficio , temporali &
perpetuo eo ipso priuatus, secularis iudi-
dicis arbitrio relinquatur, qui de eo illas
ipsas pœnas exigat, quæ damnatis primo

capite dictæ legis per constitutiones legitimas irrogantur, bonis, rebusq. omnibus fisci iuribus applicatis, ut etiam est de damnatis hæreticis per sanctiones canonicas constitutum: eius filij paternæ infamie subiecti, omnis & cuiuscunque hæreditatis, & successionis, donationis, & legati, siue propinquorum siue extraneorum omnino sint expertes; eisdem præterea portæ nunquam pateant dignatum.

§.5. Nemo autem expurgationem habere, aut causam ullam proponere vel prætendere possit, qui tantum nefas in contemptum & odium huius Officij admiserit, nisi contrarium per claras probationes docuerit se fecisse. Quod porro de prædictis, eorumq. filijs statuimus, illud idem de omnibus clericis, & presbyteris secularibus, & quorumuis Ordinum etiam exemptorum regularibus, & quacunque etiam Episcopali, & maiori dignitate præditis, ac etiam priuilegio quomodocumque suffultis, decernimus exequendum: ita ut ipsi beneficijs & officijs omnibus ecclesiasticis, præsentium auctoritate priuati, per indicem ecclesiasticum, hæreticorum more degradentur, demum potestati seculari traditi, pœnis prædictis laicorum instar subijciantur.

§.6. Pontificum tamen causis, nobis,

Delinquen-
tes claras tâ-
tumodo pro-
bationes in
contrarium
adducere pos-
sunt.

Episcoporū
ramen causæ
Rom. Pontif.
referuantur.

22

& successoribus nostris referuatis, vt re-
quæsita, & nobis renunciata, contra eos
ad depositionem, & alias pœnas prædi-
etas procedamus, vti criminis atrocitas
videbitur postulare.

Intercedentes
p.o præfatis
dclinquētib.
hæresis pœ-
nas incurrit.

§.7. Quicunque autem pro talibus ve-
niam petere, aut alias intercedere tenta-
uerint, in easdem illas pœnas, quæ in hæ-
reticorum fautores à sacris constitutio-
nibus inferuntur, ipso facto se nouerint
incidisse.

Reuelantes
huiusmodi
delicta, im-
punitatem
consequuntur.

§.8. Verum si quis etiam huiusmodi
criminum conscient, vel affinis, siue reli-
gionis studio, siue pœnitentia ductus, rem
adhuc incognitam retexerit, suppicio li-
beretur.

Forma seruā-
da in absolu-
tionibus hu-
iusmodi cri-
minū à Pont:
conceden.

§.9. Cæterum, eam omnium & qua-
riuncunque absolutionum rationem à
prædictis criminibus, necnon habilitatio-
num & restitutionum, etiam ad famam
& honores, ita deinceps habendam opta-
mus, vt successores nostri nullas nisi sal-
tem semestri post cuiusq; assumptionem
ad huius dignitatis fastigium excuso, ac
precibus apud supremū officium Inquisi-
tionis hic institutum verificatis, conce-
dant. Decernentes, omnes & quascun-
que huiusmodi absolutiones, habilitatio-
nes, & restitutions, quæ precibus sic n-
verificatis de cætero fient; nemini pror-
sus prodeesse, sed nec præsentibus, nisi to-
to

to ipsarum tenore ad verbum inserto , & gratia ex certa Romani Pontificis scientia facta , & propria manu subsignata , villa in parte derogari , nec derogatum censi debere , & si illis ex quactinque causa aliter derogari contigerit , derogationes huiusmodi nullius prorsus fore roboris & momenti .

S. 10. Iubemus igitur vniuersos & singulos Patriarchas , Primates , Archiepiscopos , Episcopos , & cæteros Ecclesiarū Prælatos , per vniuersum Orbem constitutos , vt per se vel alium seu alios , praesentes litteras , aut earum exempla , insuis quisque prouincijs , ciuitatibus , diœcesibus , & locis solemniter publicari , & quantum in se est , firmiter obseruari procurent : Contradictores quoscunque , per censuras & pœnas ecclesiasticas , appellatione postposita compescendo , ipsasq. censuras & pœnas etiam iteratis vicibus aggrauando ; intuocato etiam ad hoc , si opus fuerit , auxilio brachij secularis .

S. 11. Non obstantibus constitutio- Derogatio nibus & ordinationibus Apostolicis , cæ- contrarijs quibuscunque .

S. 12. Volumus autem vt praesentium exempla etiam impressa edantur , eaque Notarij publici manu , & cuiuscunque Curiæ ecclesiasticæ , vel Prælati sigillo ob-signata , eadem illam prorsus fidem ubi-

24

que locorum faciant, quam ipsæ præsen-
tes facerent, si essent exhibitæ vel ostendæ.

Obtestatio
in Principes.

§. 13. Cæterum, omnes orbis terrarū
Principes, quibus gladij secularis pote-
stas ad malorum vindictam est permissa,
per eam quam se tueri promiserunt Fi-
dem, obtestamur, ita suas quisque partes,
siue in præstanto ministris prædictis au-
xilio, siue in criminum post Ecclesiæ sen-
tentiam animaduersione, interponere
ut eorum quoque præsidijs ministri ipsi
tanti officij munus pro Dei æterni glo-
ria, & religionis incremento feliciter
exequantur, amplissimum à Domino
præmium recepturi, quod Fidei prædictæ
assertoribus in æternæ beatitudinis con-
fortio præparauit.

Sancto pœ-
nalis.

§. 14. Nulli ergo omnino hominum
liceat hanc paginam nostræ sanctionis,
legationis, statuti, decreti, iussionis, ob-
testationis, & voluntatis infringere, vel
ei ausu temerario contraire. Si quis au-
tem hoc attētare præsumperit, indigna-
tionem omnipotentis Dei, ac beato-
rum &c.

Dat. P. An. 4.
1. Aprilis.

Datum Romæ apud Sanctum Perrum,
Anno Incarnationis Dominicæ, millesi-
mo quingétesimo sexagesimonoно, Cal.
Aprilis, Pontific. nostri anno 4.

Ego

Ego Pius V. Catholicæ Ecclesiæ
Episcopus.

PP. subscr.

*Vtinam dirigantur viæ meæ ad custo-
diendas iustificationes tuas.*

F. Card. Pisanus Episc. Hostieñ.

Cardinalium
subscriptio-
nes.

Io. Card. Moronus Episc. Portueñ.

Christophorus Madruçius Episcop. Præ-
nestiñ.

Otho Card. Truchses Episc. Albaneñ.

A. Card. Farnesius Vicecanc. Episcopus
Tusculan.

Io. Bapt. Cicada Episc. Sabinen. Cardin.
S. Clem.

Ego Ph. Card. à Burdesia.

Ego Antonius Card. Granuelanus.

Ego Franciscus Card. Pacecus.

Ego Hieron. Card. de Corrigio.

Ego Io. Franciseus Card. de Gambara.

Ego Nicolaus Card. de Sermoneta.

Ego Ind. de Aualos Card. Aragona.

Ego M. Antonius Card. Columna.

Ego Ptolemæus Card. Comensis.

Ego P. Card. de Sancta Cruce.

Ego Z. Card. Delphinus.

Ego Hu. Card. S. Sixti.

Ego Iuli s Cardinalis Vrbinas.

Ego Fuluius Card. Perusin.

Ego Io. Riccius Card. Politianus.

Ego

Ego Scipio Card. Pifarum.
 Ego Iacobus Card. Sabellus.
 Ego Aloysius Card. Cornelius.
 Ego Alexander Card. Cribellus.
 Ego Guido Card. Vercellus.
 Ego Guilelmus Card. Sirletus.
 Ego F. Michael B. Card. Alex. Camer.
 Ego Hieron. Card. de Claraualle.
 Ego Ludouicus Card. Madrutiis.
 Ego Innocentius Card. de Monte.
 Ego Hieron. Card. Simoncellus.
 Ego Ferd. Card. de Medicis.
 F. Cardinalis Alciatus.
 Io. Paulus Cardinalis ab Ecclesia.
 A. Cardinalis Caraffa.

Anno à Natiuitate Domini 1569. Indi-
 ctione 12. die vero 2. mensis Maii, Pon-
 tificatus Sanctissimi in Christo Patris,
 & D.N.D.Pij diuina prouidentia Pa-
 pæ V. anno 4. retroscriptæ litteræ Apo-
 stolicæ lectæ, affixæ & publicatæ fue-
 runt ad valvas Basilicæ Principis Apo-
 stolorum de Urbe, Cancellariae Aposto-
 licæ, & in acie Campi Flora, ut moris
 est dimissis in locis prefatis præsentibus
 litteris per aliquantulum temporis spa-
 tium affixis, & deinde amotis per nos
 Iulium Parinum, & Ioannem Berno-
 tū prælibati Sanctiss. D.N. Papæ Curs.
 Antonius Clerici Mag. Cursorum.

In-